

礼记注疏

第二函  
九册

附釋音禮記注疏卷第十九

禮記注疏

禮記

鄭氏注

孔穎達疏

曾子問

天子崩未殯五祀之祭不行既殯而祭其祭也尸入三飯不侑醑不酢而已矣自啓至于反哭五祀之祭不行已葬而祭祝畢獻而已

既葬彌吉畢獻祝而後止郊社亦然惟嘗禘宗廟侯吉也。飯扶晚反下同不侑音又絕句下皆放此醑音肩又仕觀反

酢才各反

○曾子問曰諸侯之祭社稷俎豆既陳聞

天子崩后之喪君薨夫人之喪如之何孔子

曰廢

亦謂夙興陳饌牲器時也

自薨比至于殯自啓至于反

哭奉帥天子

帥循也。所奉循如天子者。謂五祀之祭也。社稷亦然。○此必利反。

疏

天子

至天子。○正義曰。天子諸侯祭禮既亡。今儀禮唯有大夫士祭禮。以言之。按特牲饋食禮。祝延尸于奧迎尸而入。即延坐三飯告飽。祝侑尸尸又飯。至於九飯畢。若大夫依少牢饋食尸食十一飯而畢。鄭注少牢云。士九飯。大夫十一飯。也。則其餘有十三飯。十五飯也。按此說。則諸侯十三飯。天子十五飯。又按特牲禮。尸九飯畢。主人酌酒酹尸。尸飲卒爵。酢主人。主人受酢。飲畢。酌獻祝。祝飲畢。主人又酌獻佐食。此是士之祭禮也。今約此而說。天子五祀之祭也。○天子崩未殯。五祀之祭不行者。○以初崩哀感未遑。祭祀雖當。五祀祭時不得行。既殯而祭者。但五祀外神不可以已。私喪久廢。其祭故既殯哀情稍殺。而後祭也。○其祭也。尸入三飯。不啗醢。不酢而已矣。者。今喪既殯。不得純如吉禮。理須宜降殺。侑勸也。故迎尸入奧之後。尸三飯告飽。則止祝。更不勸侑其食。使滿常數也。又熊氏云。三飯不酹。不酢而已矣。謂迎尸入奧之後。尸三飯即止。祝不勸侑。至十五飯於時。冢宰攝主酌酒酹尸。尸受卒爵。不酹。攝主故云。三飯不角酹。不酢而已者。謂雖行此而已。不爲在後餘事也。○自啓至了反哭。五祀之祭不行者。○謂欲葬之時。從啓殯以後。葬畢反哭以前。靈柩既見。哀摧更甚。

故云五祀之祭不行已葬而祭祝畢獻而已已葬而祭者謂  
已葬反哭殯宮畢而行其祭但既葬猶吉尸入三飯之後祝  
乃侑尸尸食十五飯攝主醑尸尸飲卒爵而酢攝主攝主餘  
畢酌而獻祝祝受飲畢則止無獻佐食以下之事所以然者  
以葬後未甚吉唯行此禮而已而巳是語辭也皇氏云已止  
也。注既葬至吉也。正義曰經云祝畢獻止謂祝受獻祭  
禮遂畢止不獻佐食以下云郊社亦然者王制云天地社稷  
爲越縗而行事是與五祀同也趙商問云自啓至反哭五祀  
之祭不行注云郊社亦然者按主制云惟天地社稷爲越縗  
而行事何趙商之意葬時郊社之祭不行何得有越縗而行  
事鄭答越縗行事喪無事時天地郊社有常日自啓至反  
哭自當辟之鄭言無事者謂未殯以前是有事既殯以後未  
啓以前是無事得行祭禮故有越縗行事鄭云郊社有常日  
自啓至反哭自當辟之者郊社既有常日自啓反哭當辟此  
郊社之日郊社尊故辟其日不使相妨五祀既卑若與啓反  
哭日相逢則五祀辟其日也鄭言天地社稷去殯處遠祭時  
踰越此縗而往赴之五祀去殯處近暫往則還故不爲越縗  
也云唯嘗禘宗廟俟吉也者謂爲嘗禘之禮以祭宗廟俟待  
於吉故王制云喪三年不祭是也其在喪祭郊社之時其喪  
所朝夕仍奠知者雜記云國禁哭則止朝夕之奠即位自因

也人臣尙爾明天子得也○注師循至亦然○正義曰師循也此釋詁文以經云奉循天子按上天子有祭五祀之文今云奉循如天子謂諸侯五祀亦如天子故云謂五祀之祭是諸侯五祀如天子五祀也今此諸侯祭社稷其遭喪節制與五祀同故云社稷亦然按天子崩后喪諸侯當奔赴得奉循天子之禮者諸侯或不自親奔而身在國者或唯據魯葬及夫人之喪其嗣子所祭得奉循天子者也○曾子問曰大夫之祭鼎俎

既陳籩豆既設不得成禮廢者幾孔子曰九

請問之曰天子崩后之喪君薨夫人之喪君

之大廟火日食三年之喪齊衰大功皆廢外

喪自齊衰以下行也齊衰異明則祭其齊衰之祭也尸

入三飯不侑醕不酢而已矣大功酢而已矣

小功緦室中之事而已矣室中之事謂賓長獻○長知人反下文諫長同士

之所以異者總不祭

然則士不得成禮者十一

所祭於死者

無服則祭

謂若舅舅之子從母昆弟

**疏**

曾子至行也○正義曰不直云大功以上皆廢而歷

序三年之喪齊衰大功者以曾子問廢者有幾孔子對云廢者有九遂歷序九種之事一一備言此大夫祭者謂祭宗廟故下文云所祭於死者無服則祭是據宗廟也○注齊衰異門則祭○正義曰今遭異門其齊衰之喪祭也○尸入三飯不侑醕不酢而已矣○若遭異門齊衰之喪其祭迎尸入室但三飯則止祝更不勸侑使至十一但三飯耳則主人酌酒醕尸尸不酢主人唯此而已○大功酢而已矣○大功服輕祭禮稍備尸三飯祝侑至十一飯而止主人酌酒醕尸尸酢主人主人乃停故云大功酢而已矣○小功總室中之事而已矣○小功與總麻其服轉輕祭禮轉備其祭尸○十一飯訖主人酌尸尸卒爵酢主人主人獻祝及佐食畢次主婦獻尸尸酢主婦主婦又獻祝及佐食次賓長獻尸○若平常之祭尸得賓長獻爵則止不舉待致爵之後尸乃舉爵今既喪殺賓長獻尸尸飲以酢賓賓又獻祝及佐食而祭畢止凡尸在室之與祝在室中北廂南面佐食在室中尸西北面但主人主婦及賓獻尸及祝佐食等三人畢則止故云室中之事



而已矣若致爵之時主婦在房中南面主人獻賓堂上北面  
皆不在室中其室中者獻尸祝佐食耳故此注云室中之事  
謂賓長獻此小功總麻兼內外知者以前文云內喪大功以  
上廢則知內喪小功以下不廢也按雜記云臣妾死於宮中  
三月而後祭之此內喪總麻不廢祭者此謂鼎俎既陳臨祭  
之時故不廢也若不當祭時有臣妾死於宮中及大夫爲貴  
妾總庶子爲父後者爲其母總之屬皆不祭○土之所以異  
者總不祭○孔子見曾參歷問至大夫必應及士故因廣舉  
士以語之大夫唯至大功爲九而士又加總小功二等合爲  
十一此亦謂祭宗廟鼎俎既陳而值喪也大夫祭值總小功  
不辨內外皆不廢祭而禮則小異耳士值總小功不辨內外  
一切皆廢祭士輕故爲輕親伸情也○所祭於死者無服則  
祭所祭謂土祭祖禰而死者已雖爲總祖禰於死者無服則  
俎既陳則亦祭也○注謂若至昆弟○正義曰此等於已輕  
服總而於祖禰則無服然此皆母親而得云無服者祭祀以  
祖禰爲主母親於已服總於祖禰無服然此皆母親以父爲  
主也其從母父雖無服已爲小功熊氏云亦廢祭也呈氏云  
以從母於父無服不廢祭也按經云總不祭所祭於死者無  
服則祭據總爲文似不關小功故鄭以○曾子問曰三年  
總服解之皇氏橫加小功其義非也○

之喪弔乎孔子曰三年之喪練不羣立不旅

行

爲其苟語忘哀也○爲于僞反下  
爲彼爲親妻爲婦爲爲已病皆同

君子禮以飾情

三年之喪而弔哭不亦虛乎

爲彼哀則不專於親  
也爲親哀則是妄弔

〔疏〕

曾子至虛乎○正義曰此一節論身有重服不得弔人  
之事○君子禮以飾情凡行吉凶之禮必使外內相副

用外之物以飾內情故云衰以飾在內之情故冠冕文彩以  
飾至敬之情麤衰以飾哀痛之情所以三年問云哀服爲至  
痛飾也故云君子禮以飾情也○三年之喪而弔哭不亦虛  
乎者若身有重服而弔他人則非飾情所以爲虛也言虛者  
弔與服並虛也何者若已有喪弔彼而哭哀彼則忘已本哀  
是已服爲虛也若心存於已哀忘彼而哭彼則是於弔爲虛  
也故注云爲彼哀則不專  
於親也爲親哀則是妄弔

曾子問曰大夫士有私

喪可以除之矣而有君服焉其除之也如之

何孔子曰有君喪服於身不敢私服又何除



焉

重喻輕也私喪家之喪也喪服四制曰門外之治義斷恩○治直吏反斷丁亂反

於是乎

有過時而弗除也君之喪服除而后殷祭禮

也

謂主人也支子則否

○除如字徐直慮反

○謂子至禮也○正義曰此一節論臣有君親之喪當降於

君之事各依文解之○孔子曰有君喪服於身不敢私服又何除焉者答以重喻輕也門外之治義斷恩若身有君服後遭親喪則不敢為親制服也又何除焉者謂成喪服為重始除服為輕末在親始重之口尚不獲伸況輕末之時而可行乎故云又何除焉君之喪服除而后殷祭禮也者殷祭謂小大二祥祭也以其禮大故也殷也言初乃為身有君服不敢為親私除若君服除後乃可為親行私喪二祥之祭以伸孝心也故盧氏云殷祭盛也君服除乃行釋私服之禮庾蔚云今月除君服明月可小祥又明月可大祥猶若久喪不葬者也若未有君服之前私服已小祥者除君服後但大祥而可已再祭殷大也小大二祥變除之大祭故謂之殷祭而不得云再祭殷大也小大二祥變除之大祭故謂之殷祭也禘祫者祭之大故亦謂之殷祭但此論大夫士則不應有禘祫此殷是釋除之祭也有殷事則之君所鄭以為朔月月半薦新

之奠此又比朝夕爲大也各有所指不嫌殷名同也。注謂主人也支子則否。正義曰主人謂適子仕官者適子主祭祀故二祥待除君服而後行也若支子仕官雖不得除私服而其家適子已行祥祭庶子於後無所復追祭故云否也

○曾子曰父母之喪弗除可乎

以其有終身之憂

**疏**

曾子

至可乎。正義曰曾子又疑云聖人制變受之期情禮之殺使送死有已復生有節是不許人子有不除之喪若適子除君服後乃有殷祭之事如喪久不葬者此則可解若庶子除君服後無復殷祭之事便是其爲父母之服一生不有除說之事此於禮許得可乎。孔子曰先王制禮過時弗舉禮也

非弗能勿除也患其過於制也故君子過時

不祭禮也

言制禮以爲民中過其時則不成禮。中如字又丁仲反

**疏**

孔子至禮也。據制

以答此所以不除意也孔子言先王制禮各有時節若過則不追舉是禮之意也。非弗至制也。勿猶不也言今日不追除服者非是不能除改也爲此不除正是患其過於聖人之禮制也。故君子過時不祭禮也。又引君子過時不舉

之事以證之過時不祭謂春雨露既濡君子履之怵惕思親思親故設祭若春時或有事故不得行祭至夏乃行夏祭不復追補春祭是過時不祭以爲禮也若過時不祭如適子仕者除君服後猶得行殷祭其四時之祭過時所以不追者假令春夏祭本爲感春夏而祭至秋非時故不追也且今年春夏雖過時至明年會應復有春夏故當時則祭過時不補前祭祥非爲感時正是孝子爲存親存親則前後無異故除君服已伸孝心也

○曾子問曰君

薨既殯而臣有父母之喪則如之何孔子曰

歸居于家有殷事則之君所朝夕否

居家者因其哀後降

於父母殷事朔月

**疏**

孔子至夕否。殷大也。孔子答云君

月半薦新之奠也。殯既訖君所無事。父母新喪故歸於家以治父母之喪。若君喪有朔月月半薦新大事則臣之適君所以哭君若凡常朝夕則不往哭君。唯在家爲父母治喪故云朝夕否。若臣有父母之喪既殯而後有君喪則歸君所若父母之喪有殷事之時則來歸家平常朝夕則不來恒在君處。注居家至父母。正義曰君薨既殯是君喪在前殯後親死是父母喪在後親喪。注甚恒居於家是隆於父母也。

曰君既啓而臣有父母之喪則如之何孔子

曰歸哭而反送君

言送君則既葬而歸也歸哭者服君服而歸不敢私服也

疏

曰君至送君。正義曰曾子問既殯今問既啓故云君既啓而臣有父母之喪則如之何孔子答曰歸哭父母而反往送君既葬畢還來歸家而治父母之喪以此言之父母之喪既啓而有君之喪則亦往哭於君所而反送父母父母葬畢而居君所。注言送至服也。正義曰知既葬而歸者以言送君則葬罷而歸則不待君之虞祭也其君喪祔與卒哭未知臣往君所與否云歸哭者服君服而歸不敢私服也者謂歸哭父母猶服君服不私服也知不私服者上文云有君喪服於身不敢私服故知不私服也

曰君未殯而臣有父母之喪則

如之何孔子曰歸殯反于君所有殷事則歸

朝夕否

其哀雜主於君

大夫室老行事士則子孫行事

大夫士其在君所之時則攝其事

大夫內子有殷事亦之君所朝

女否

謂夫之君既殯而有舅姑之喪者內子大夫妻

疏

曰君至夕否。正義曰前問君既殯及既啓而有父母之喪今問君未殯而臣有父母之喪如之何孔子荅曰歸殯父母訖反于君所以殯君恒在君所家有殷事之時則暫歸於家若尋常朝夕則不得歸也故云朝夕否盧氏云歸殯反于君所者人君五日而殯故可以歸殯父母而往殯君也若其臨君之殯日盧云歸殯父母而來殯君則殯君訖乃還殯父母也以此言之臣有父母之喪未殯而有君喪主君殯日猶遠祗得待殯君訖而還殯父母以其君尊故也。注其哀難主於君。正義曰以君未殯則君哀重而父母又喪是親哀亦重君與親哀既半相雜君爲尊故主意於君故尋常恒在君所。大夫至行事。以大夫士有殷事在君所之時則在家之朝夕之奠有闕若朝夕恒在君所之時則在家朝夕之奠亦闕莫不可廢。大夫尊故遣室老攝行其事士卑則子孫攝行其事。注云大夫至其事。正義曰大夫內子有殷事亦之君所朝夕否上文明大夫禮節此明婦人之進止君既殯而婦有舅姑之喪大夫者卿之摠號內子者卿之適妻以前問君薨既殯有父母之喪此明君既殯後而婦有舅姑之喪歸居於家君有殷事之時亦之君所云亦者謂亦同其夫

也。非但夫往君所，妻亦往君所也。若尋常朝夕，則不往君所。舉此一條，婦同於夫。則君既啓及君未殯，而有舅姑之喪，其禮悉同夫也。○注：內子至齊衰。正義曰：按僖二十四年左傳云：晉趙姬請以叔隗爲內子而已。下之叔隗爲趙衰妻，是大夫適妻也。若對而言之，則卿妻曰內子，大夫妻曰命婦。若散而言之，則大夫是卿之摠號，其妻亦摠名爲內子。云妻爲夫之君如婦爲舅姑服。○賤不誄，貴幼不誄，長禮也。齊衰者，此喪服文也。

誄，累也。累列生時行迹，讀之以作謚。謚當由尊者成。○誄力水反，謂謚也。行下孟反。謚音禾。徐又以二反。唯天

子稱天以誄之。

以其無尊焉。春秋公羊說以爲讀，諸

侯相誄，非禮也。

禮當言誄於天子也。天

疏

賤不至禮也。正義

曰：此一節論謚由尊者出之事。賤不誄，貴誄，累也。謂賤不得累列貴者之行而爲謚，幼不得累列長者之行而作謚。如此是其禮也。所以然者，凡謚如此是其禮也。所以然者，凡謚表其實行，當由尊者所爲。若使幼賤者爲之，則各欲光揚在上之美，有乖實事故不爲也。唯天子稱天以誄之者，諸侯及大夫其上猶有尊者爲之作謚。其天子則更無尊於天子者。



故唯爲天子作謚之時於南郊告天示若有天命然不敢自  
專也。諸侯相諫非禮也者非但賤不誅貴平敵相諫亦爲  
不可故云諸侯相諫非禮也既賤不誅貴按襄十三年左傳  
楚子囊爲共王作謚者春秋亂世不能知禮此不言君臣兄  
弟而言貴賤長幼者廣包餘人非唯君臣兄弟而已。注以  
其至南郊。正義曰按鄭之時說公羊者而爲此言故白虎  
通云天子崩大臣之於南郊稱天以謚之者爲人臣子莫不  
欲褒大其君掩惡揚善故至南郊明不得欺天也。注禮當  
至之謚。正義曰按白虎通云君薨請謚世子赴告於天子  
天子唯遣大夫會葬而謚之又檀弓云公叔文子卒其子成  
請謚於君曰日月有時將葬矣請所以易其名者大夫當請  
諒於君則諸侯理當言諒於天子云天子乃使大史賜之謚  
者按大史職云小喪賜謚鄭云小喪卿大夫也卿大夫言賜之謚明諸侯之喪亦然。曾子問曰

君出疆以二年之戒以禭從君薨其入如之

何

其出有喪儀如喪入必異也戒猶備也謂衣衾也親身  
棺曰禭其餘可死乃具也。疆居良反禭薄歷反親身

棺謂也

孔子曰共殯服

此謂君已大斂殯服謂布深衣  
直經散帶垂殯時主入所服其

之以待其來也其餘殯事亦皆具焉。共殯音恭則子麻

弁經疏衰菲杖

棺柩未安不忍成服於外也麻弁經者

杖者爲已病。弁皮彥反柩其又

入自闕升自西階

闕

反如爵如或作加誤也爲已音以

入自闕升自西階

謂

毀宗也柩毀宗而入異於生也升自西階亦異生也所毀宗

殯宮門西也於此正棺而服殯服既塗而成服殷柩出毀宗

禮相變也如小斂則子免而從柩

謂君已小斂也

周柩入毀宗

如小斂則子免而從柩

謂君已小斂也

無飾。免音問

入自門升自阼階

親未入棺不忍異

君大夫士一節也疏

曾子至節也。正義曰此論諸

問夫子云諸侯之君或出疆朝會其出之時以三年之戒以

柩從戒備也謂以三年喪備衣衾之屬并以柩棺而從出既

有備令其入也如之何。注其出至具也。正義曰按王制

云絞衾衾死而后制此云戒備謂衣衾者熊氏云此言三

年之戒謂衣衾之裁若其造作死後乃爲之。云親身棺曰

柩按喪大記云大棺八寸屬六寸柩四寸從外嚮內親身也

檀弓注云柩堅著之言也謂柩雖親身天子柩內猶有永咒  
諸侯公柩內猶有咒諸侯以柩爲親身也云其餘可死乃具  
也謂除柩之外大棺與屬若在家年老亦死前爲之今出疆  
柩從年未老故大棺等死後乃具也。孔子曰共殯服者於  
時大斂之後主人從柩而歸則其家豫共主人殯時所著之  
服謂布深衣直經散帶垂也於時主人從柩在路以棺槨未  
安未忍成服於外唯著麻弁麻布也謂布弁布弁之上而加  
環經。注此謂至具焉。正義曰知此謂大斂者以下文云  
如小斂故知此謂已大斂也云殯服謂布深衣直經散帶垂  
按士喪禮云小斂直經大鬲散帶垂又禮親始死布深衣至  
成服以來其服不改故知殯服布深衣直經散帶垂其言服  
崔氏云小斂之前大夫士皆素冠小斂括髮之後士則加素  
冠大夫加素弁云其餘殯事亦皆具焉以殯不可闕故知具  
焉經特云其殯服者舉主人服爲重。則子麻弁經疏衰菲  
杖。身著疏衰疏衰是齊衰也足著菲屨菲謂薦屨也其身  
已病者拄杖故云疏衰菲杖也。注棺槨至已病。正義曰  
按士喪禮云二日成服今君喪在外仍著麻弁疏衰故知不  
忍成服於外也云麻弁經者布弁而加環經也者布弁謂吉  
布十五升與子游麻衰及詩云麻衣如雪同知加環經者雜  
記云小斂環經是也云弁如爵弁而用布者按檀弓云周